

蓮洋詩鈔

冊四

蓮洋集卷第十五

河中吳雯天章著

後學浮山張體乾確齋校

贈姚玉階二首

巷南巷北時相見，屐齒從教徧綠苔。
客裏猶能具珍膳，花前幾共發新醅。
名家世重尙書履，逆旅人驚宰相材。
更有茂陵佳麗在，千金專待長卿來。

簾外終南青刺天，諸峯幾處似龍眠。
愁中夢感三生石，醉後詩翻萬斛泉。
偶以名僧留雁塔，便隨芳草到樊川。
歸來又作聯床話，書卷閒拋意颯然。

謝姚玉階送筆二首

每見薑芽羞斂手，也貪薤葉學垂風。
不能虞監隨緣好，筆墨精良願褚公。

君家的有鳳樓材，割愛偏能送得來。
從此快刀能斫陣，便應題徧柏梁臺。

寄答趙臨潼豐原

幾年事行役，來往驪山麓。
繫馬垂楊下，歷覽倣心曲。
古殿山出泉，陰厓火生木。

此時誰與偕俯仰感幽獨使君何日至遺風化頽俗嵐光暎綬帶山鳥下庭竹
閱世發長謠懷人動遐矚嗟余久倦遊索居嘆雌伏迢遙念良晤有如車錯轂
昨日賴川客新詩把盈軸欣見大雅作高懷軫空谷一言感知己不辭再三讀
沉吟宇宙間素心尚有屬風義高雲霞人才等穀玉蠶塵忽欲盡勝過湯泉沐
安得矯雙翮更傍華清宿

再示昉思

世事從來少定形須彌未可蕪飛螢黠音有辨復無辨鯢化南溟更北溟欲殺
何嘗非李白聞歌誰更識秦青豕零雞壅當時藥暴貴新傳又茯苓

余有虞鄉口號曾寄正阮亭先生家弟來汴道及送子文絕句因謬許
鄙作有黃絹之賞遂再賦此亦竊附唐人本事之意云爾

入洛游梁事不齊傳來新句感幽棲山人此夜還山夢扁鵲祠東絹市西
心契無爲身未能柏梯山寺賺閒僧相參有句仍無句裴迪終當避右丞

過汜水

北風響巖壑戰壘生黃雲我欲江南去悠悠正念羣霜乾桑柘老日落虎狼聞
愁對一樽酒長謠望夕曛

寄呈梁日緝先生

我聞王右丞早悟無爲理辭榮入輞川豈愛林壑美偃坐事清齋不住亦不起
先生淡泊性纓紱宛脫屣愧我昔相從未能窺終始於今緬素風高山切仰止
何日遂擔簦一測龍潭水

讀仙傳

千載聞風張益州早年曾與傅霖游天真喪盡虛名失低看希夷頂上頭

題聲百小照二首

羽扇閒拋鳳尾垂綠堦玉樹覆新枝風流即使論江左阿大中郎更是誰
習習涼風吹畫屏枕流漱石矚前汀悠然物外情何極檢出瑤函九籥經

笨山舍人忽登太華驚詫記實並示梁子芟梁

吾家大河側太華庭戶前肉重不能登荏苒三十年之子東海來千里何翩翩

朝停嶽祠下暮陟三峯巔明星與玉女俯視兒孫然況此冰雪時危磴雲中懸
飛鳥不敢過奮勇凌蒼烟鐵船今有無菡萏或拘攣明滅洪河流混混星漢連
最愛落雁好斗絕虛空拳瀑布幾千仞凍合寒光纏琤琮時一聞有如箏折絃
往來青冥際身已躡重元下不見猿猱上已無飛鳶咫尺卽樊桐呼吸帝座邊
毛女夜窺人叔卿曉張筵便應酌天漿醉伴希夷眠胡爲辭金庭又復來井廡
語我上方事如述珠宮還釣天聞廣樂石髓溢瓊田一食可不死詫我貪生涎
東海有梁生學佛機亦圓骨瘦而好奇恨不輕試僊吾子素驕惰登堦苦回躔
今茲峯頂行鬼神實後先駭嘆當再拜服子猛且堅信哉無垢心獨往乏遷延
却傷筋力衰日減濟勝緣春來青柯坪龜勉衣一褰不然一室內冥默心如淵
游神於八表聊當飊輪旋

宿慧果寺

萬感清秋夜愁聞玉漏長無端如中酒不盡爲思鄉燈暗秋蟲入風酸桂葉香
長歌雜短咏若箇解行藏

慰劉如南大令

風木有餘痛歸來掃舊廬但憑吾道在莫訝世情疎
堦養千尋竹波藏尺半魚蒼生正引領端賴治安書

兩亭王公雪中旋旆喜成二十韻

于役晉陽天歸途密霰懸山中瓊作樹河上玉爲田
鳥鼠迷空谷關城涸冷泉人家增爽塏樵路失蜿蜒
送臘梅分纈先春柳破綿坐來消玉馬行處撲金蟬
擁騎寒侵袂微吟凍入鞭歌樓薄酒力僧舍就茶烟
思欲追梁苑才應美惠連汾陽懷帝子姑射對神仙
黃竹謠寧述幽蘭曲已傳潔清鸛并素浣濯鶴同鮮
長養資調燮陰陽免伏愆風雲瞻氣象珪璧契方圓
每仗陶鈞力常叨造化權本然懷潔白更取勵貞堅
值物寧移性班形幸自全袁安誰枉轍江草尙分氈
徒領風人旨難酬郢上篇豐年知有瑞先報上公前

自常家山入鳥鼠谷

道力固不勝世緣亦多累山行雖云勞尙有山中意
紫萼發秋花白鳥撲岩翠

朱欄石上閣碧水邊寺小坐高樹間風雲盪胸次耦耕者誰子盤盤勇不憚
抱犢願未能負春情終遂大笑誓山靈吾豈塵中士

集石林編修山館

藤花開已闌殘香墮塘水聞君下直後日對清陰美宛宛崇坂蘭茸茸幽磴芷
客來風軒開雨驟池漚起移尊鳴鳥靜撫操潛鱗喜高霞乍明滅忽照西閣紫
莫憶粵中山前溪一峯是

姜郡丞西齋卽事

閒堦竹影玉玲瓏冰簟新涼午夢中草色分來鸚鵡綠花枝奪得錦官紅樓臺
忽過蓮峯雨餅餌遙聞麥隴風更向高齋托長嘯襟期猶許故人同

山路口占

熊耳山前路三年記再經野花今日豔芳草舊時青雨寺三生石風簷九子鈴
悠悠洛陽道空說短長亭

鳴玉澗巖下見牧者

金華山下想經行叱石成羊太幻生今日相看皆世外令人疑作許宣平

灞橋新柳

灞水滌洄無限春橋邊柳色倍關人纔驚日裏搖金縷旋訝風前颺麴塵畫閣遙連看不厭紅亭沉醉折休頻楊花漸次如飛雪點入波心是白蘋

原上麥

頓爾歡農扈青青四境中扶持莖葉雨長養杏花風綬帶看寧似裙腰望亦同紛紛拾翠客切莫誤城東

新豐酒

走馬新豐道青帘映玉壺十千那用惜一醉實難圖韋曲猶紅雨咸陽但綠蕪高樓何處宿楊柳正啼烏

宿吳山寺樓簡嚴灝亭先生

蕭蕭暮雨急寒榛獨倚高樓少四隣江上鼃鼉悲鼓角下方燈火散星辰梅花何處三更笛寒食無家萬里人不是相逢嚴僕射天涯誰念草堂貧

齋居

瓠落何須慮大樽蕭然無客款柴門春秋未習嚴彭祖紀傳常輕褚少孫下澤
幾曾驅款段長河終擬溯崑崙雷聲太白連朝急次第牆東過雨痕

秋日再過王官谷十四韻

表聖幽棲處白雲解鬱蒸典型終古峻頑懦百年興空谷何人到孤亭我再登
礪花纏細石巖樹曳高藤危磴千峯翠飛泉萬仞冰清暉聞白雁爽氣擊蒼鷹
詭激寧傷直徘徊轉見宏哲先迷柳璨節已信王凝龍紀辭榮早鸞臺飲社曾
有懷方墮笏無礙任分繒花苑誰留客苔龕尙見僧避喧勾漏並絕粒首陽仍
勝日詩堪述秋霜史亟稱只今書劍外何處得良朋

謝方山先生雨中以所編德州先賢傳見貽賦答

一雨綿綿三日餘深泥滑滑絕行車高人未過應懸榻公子乘閒好著書柳絮
欲沾金屈戌爐香輕裊玉蟾蜍襄陽耆舊方成傳文彩風流衆不如

過大鹵訪傅青主先生時已移居緬然有懷卽書此寄意四首

松莊烟樹十年餘寺路相逢笑下驢今日重來渾不見白雲深處又移居

發願文成道力該檀波羅蜜與悠哉人間始見瑯琊筆爭買戴山扇子來

先生近發

願以筆墨作檀施之助人爭取之

伎倆當時豈蝨魚閒情燈火夜窗虛年來萬事如流水不復潛夫更著書

先生小記

云向猶復蝨魚伎倆不忘一句一字之奇今惟朝夕作金粟園觀相耳

京洛無端迫客塵也知瓔珞是前身幾時得遂東林約金粟園中兩道人

閣學李湘北先生有

聖代求賢之作傳和紛然酒次出以見示余自

揆譴劣何能揚挖盛事但自述所遭而已并呈先生四首

逕開黜學隣虛巖壑朝朝信所如

聖代自多優異詔微才真媿治安書觀

光未敢違先達作賦還當念遂初回首舊山冷猿鶴桃花流水亂春渠

故人清切白雲司愛我陽春郢上詞苦欲上書共徐樂不教下第歎邱爲陽居

久矣忘爭席司馬何須更入貲看取淩雲新賦好幾人先到鳳皇池

十年曾着遠遊冠辛苦真同蜀道難頗有文章窺賈誼實無鹽鐵比桓寬金甌

本自無傷缺玉壘方期早奠安頓使河清頻入頌

君王含笑五雲端

鄉里常隨馬少游上公偏有白雲求可能輦下留方朔先使人間笑許由草野
那知千古事 朝廷自有八紘收玉杯漫道天人策牧豕公孫萬戶侯

過雪客署齋飲卽貽名搢數種賦謝

騎馬城南烟景_劣款扉城北衙齋低官廚飯熟晉祠米着便留客烹伏鷄玉壺
滿傾桑落酒盤中雜薦棗與梨故人薄宦貧轉甚鳳皇那得差卑棲惟有好奇
興不減冥摻屢上青雲梯石壁尋書剝蒼蘚懸瓊索異鑱黃泥貞觀飛白搆敏
妙天成手勅窮攀躋好詩真見玉局子妙墨頗訝房璘妻三年得此稱臚仕如
何分我勝提攜酒酣耳熱發浩歎聖賢螻蟻理亦齊古人難追日旦暮世事不
定雲東西君方苦思鍾山遊我亦心慕正貽溪摩詰丈室掛瓶鉢金丹大藥攢
刀圭何爲碌碌自縈絆春蠶作繭雞駭犀便從西竺閱龍藏早向南華參馬蹄
武夷高宴曾孫輩幔亭瑤草春萋萋

同阮亭先生坐方山司寇匏齋論詩先生遂爲書古今人名句竟二長幅喜而作歌

犀提先生才調奇風流真具天人姿文章磊落妙一代作字更欲追繇義殘墨如金目珍重豐屋不取珊瑚貲貴人往往多責望遷延終以不能辭昨日偶過謝公宅琉璃硯匣盤蛟螭先生入門一笑粲高齋茗椀浮春枝談藝輒抽簡編亂運腕時見精神披豈因斐几便點綴恍如練帔呈淋漓跂脚飛灑露敏妙羣鴻髣髴遊天池突兀拙迸冬筴籜娟靜細引春蠶絲遙情忽述大人作隨意閒寫家風詩須臾神明煥兩紙欻然修楔山陰時春蚓秋蛇態爭出家雞野鷺言何卑嗟我貧困走京洛身無長物空低垂一朝捆載得至寶木難火齊勝攜持世間耳食卽辨此公殆天授非人爲碌碌門簿廢時日今朝不負千秋期歸來什襲俟終古會有後日揚雲知

題李元中畫記後

緬邈廬山十二賢白雲常護虎溪邊謝公心雜終難住枉爲開池種白蓮

答友四首

朋好日以遠村墟甘隱淪山中拾橡客河上緯蕭人之子能相訪盤飧媿未陳
更聞欲攜手仍共結芳隣

昨日勞書札瓊瑤紛見貽出入在懷袖尙有虬龍姿我欲急裁答遲迴無令辭
折梅風雪裏聊以寄相思

却憶陪遊日聯鑣澗水陽雲中見雞犬世外有畊桑帶雪谿藤古經冬水荇長
晚來酣白酒卽此是陶唐

獨坐賦招隱君歸又幾時相尋苦山雪遙贈得瓊枝豹隱猶文彩鴻飛尙羽儀
繁霜滿正月行矣慎前期

簡王翁超公

城東有別業乃在中條麓每當風雨時常坐萬竿竹蒼鼠松上緣白鳥花間宿
人生亦何爲遠宦空碌碌何不賦歸來山中啓茅屋

懷儼若

念爾佳公子將爲萬里行艱難終意氣清白益詩名衣着桄榔雨舟看海嶠晴
鄉書何處達無雁共南征

送韓維藩入都二首

東風難遽別車馬若爲攀寧戀鶯花節終還鷓鴣班紅傾蒲阪酒青入薊門山
但看賢豪客從來幾箇閒

正喜慈幃健難藏有用身況榮雙桂樹真是兩麒麟閩本崔盧盛文宗董賈醇
長安得佳句先寄大河濱

懷薛含華

謝客辭蓮社劉勰依桑門嘗飽伊蒲饌兼資清靜言之子瀟灑胸世事困濁藩
獨能棄滓穢食息藉山蓀朝逢樵客語暮與道者論讀書佛燈下漸覺澄心源
竭當過巖洞與之證風旛

爲節齋林子題畫卽令姪煥文作四首

君是當年阮步兵君家小阮亦知名蒼巖點作桃花色也似安期灑墨成

蓮花洋裏鐵蓮花
皈向潮音是我家
君在四明山下住
可能分補舊袈裟
種種顛毛久負慙
便應彌勒與同龕
浮生五十三年矣
正合南詢五十三
百城烟水浩茫茫
歷盡波濤識舊鄉
羨爾生身三佛地
坐看紅日上扶桑

簡漢陽朱時庵

花雨繽紛點石頭
涼風習習度簾鉤
久知奇氣吞雲夢
且與閒情坐宛邱
燕壘依然留舊夏
蟬聲忽已入新秋
相期道業無窮極
莫任年光似水流

勵志

昏昏醉夢日浮沉
難處方知用力深
不是梅花香色好
如何鍊出廣平心

題趙叟小秋善琴

共城有一士七十
無心想家依嘯臺
側門開百泉上竹
裏每醉臥山中或
獨往但攜一壺酒
不知屐幾兩有時
揮五絃萬壑秋濤
響我昔泉上遊久
欲就蒼莽買山苦
未就徒然增慨慷
相逢感夙心且與
共偃仰

題莫亞夫先生小像三首

補袞卽是仲山甫浣墨還同王右軍比似當年蘇玉局相隨賸有兩朝雲
玉骨珊珊秋水澄讀書萬卷氣飛騰文章事業龍門傳能活千人後必興
四十年前玉貌存八千春後道尤尊晚來喜讀參同契安穩長生教子孫

簡輔公別駕

墨花香浸玉蟾蜍載酒常過有道居檻外波光浮桂楫林中屐齒集華裾無雙
品藻中朝望第一家聲太史書更向風前調錦瑟五十絃多恨不如

題畫

解是何人解結是何人結欲透祖龍環須仗麤賓鐵

題張愚谷宛邱署齋

十笏維摩室退思參政堂治仍汲內史郡自古淮陽臥閣晨星淡垂簾細菊香
若論稱畫舫郭外亦滄浪

錢塘元夕酒歌

吳雪茸茸不堪把霞光斜抱吳山下美人歌舞春夜長黃河不怕靈虬瀉茱萸

烟滿沉香樓翠環約指彈箏篴主人既起客既醉百年此樂真蜉蝣朝來好載
簑篲弩海魚射死三山去

吳中懷古

鐵網沉妃子黃金鑄大夫不須麋鹿恨流蕩滿姑蘇

越女

憔悴浦中蓮低聲問遠天裁衣拋白紵漬淚掩紅綿蜥蜴盤深字真珠寄短篇
年年花事近空立苧蘿烟

滎陽有懷

芳草芊綿接鄭州黃鸝飛上夕陽樓當年錦瑟誠何意一半詩名損玉鉤

折孤山梅花

梅花近人種已及梅花時芳樹惜搖落春山攜一枝齋禽窺野鬢湖水照寒漪
留取共寂寞東風休便吹

又雨